



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCLXXV. Schreiben des Klosters Diesdorf an den Kurfürsten Joachim,
betreffend die Bestätigung des neuen Propstes Kurd von Marenholz und
die bedrängte Lage des Klosters, vom 18. März 1520.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CCCLXXV. Schreiben des Klosters Diesdorf an den Kurfürsten Joachim, betreffend die
Bestätigung des neuen Propstes Kurd von Marenholz und die bedrängte Lage des Klosters,
vom 18. März 1520.

Dorchluchtighester, Hochgeborner ffürste, vnse Innighe gebede tho god dem almechtighen vor Juwen C. f. g. touoren boreyt, gnedigester C. f. vnde herr, wy hebben amm ffridage Jungest na Oculi uppe muntlick anbringhent I. C. f. g. houethmann der Olden marcke vnde ock na Innholt I. C. f. g. scriffte dem werdighenn herrn Curde vann marnholde vth godtliker Inghewinghe des hilghenn ghestes tho vnseenn proueste, So I. C. f. g. ohn vns gnedich hebben nominereth, I. C. g. boghere na alze I. C. f. g. gehorfamenn endrechtlikenn Elegereth, der wy I. C. f. g. demodich bodanckenn, de wyle I. C. f. g. Closter distorpe mith swaren schuldenn vngetuielt I. C. f. g. unuorborghene is bolasteth, In dem betto her wormith aller upp borengen vnde vthghaue Jarlikes dat fulffe I. C. f. g. Closter distorpe kann uppgeholdenn werdenn, ak wor dorch tho sodanem schadenn syn geuallen, nicht wethenn; is der haluenn tho I. C. f. g. vnse gans flitighe demodighe bede, I. C. f. g. vns so gnedich willen bodenkenn, So id I. C. f. g. nichte muchte entjgheenn syn, I. C. f. g. dem werdighenn hern wenero van der Schulenborch, praweste tho Dambecke, dem I. C. f. g. enn Jarlanck vns varthowefende vth funderlikenn gnaden nagheuen, nach dem hen deme fulffen bouele na vns samptlick vnde befundern bynnenn vnde buten Closters mith allem truwenn vlite nottrofft vnde grothenn varrade sodder affhanghe vnsees zeligen prawestes, das wy ohn vele hebben tho bodanckende, hefft vorgewest betto vth ghanghe dusses Jares, noch willenn gnedich nagheuen vnde eyne nige Commision betto Galen mith sodanem bouele, wo uar ohr gnedich willenn thofcriuenn In meyninghe, dat wy vth finer rekenschopp vnse registern aller uppnahme vnde vthghaue vnde wo wy I. C. f. g. Closter Jarlikes konnen uppholdenn vnde schadenn des Closters moghen varwendenn, vns warafftich konnen Irkundenn, denne nach vorlope I. C. f. g. bouell willenn wy vnuorhindert gnanten Hern Curde van marnholte vor vnseenn prawest gudtwillich vnde gehorfam Inuoren vnde by vns vor vnseenn prawest gharne holdenn. Detten doch alles tho I. C. f. g. alze tho vnseenn g. h. I. C. f. g. willen vns armen kinder gnedich alze vnse milde landeffurte her Inne varfseenn, Dat willen wy altedes tho ghade dem almechteghenn vngeparth vor I. C. f. g. vorbiddenn. Datum amm Son- dage letere, vnder vnsees Capittels Secret anno XV^o XX

I. C. f. g.

gehorfamenn

Cecilia Goes, priorisse,
vnde gantz Samelinge des Closters Distorpe.

Nach einer alten Copie.